

江津縣志

典禮志

祭品 救護

儀注 祭燾

樂章 鄉飲

酒禮 祝文

朝賀

嘗謂安上治民莫善於禮禮者所以別嫌疑明等
威辨上下定民志生人之大本王政之首務也夫
三千三百有曲有經防僞防淫爲六爲五禮豈一
端而已哉然國之大事在祀與戎王者所以尊天
而重祭也我

皇上齋宮澄肅祀典修明每遇

郊

禘必躬必親凡百職事亦惟嚴恭寅畏以勦駿奔况乎縮

江津縣志

卷八

典禮志

一

符百里膺社稷人民之寄而顧可忽乎哉肅班聯
於左右則當懍咫尺之天威陳俎豆於殿廡則倍
仰宮牆之美富春祈秋報無非爲民請命之誠臨
上質旁常懷明德維馨之懼而一切周旋揖讓拜
跪升降之儀特禮之末節焉耳作典禮志

祀典

至聖先師廟

春秋仲月上丁致祭

大成殿正位 帛一色白長二丈 牛一 羊一 豕一俎

登一太羹 鉶二和左羹右 簠二黍稷 簋二稻粱 籩十形鹿脯棗栗

榛麥芡白餅黑餅 豆十菹醢醢醢魚醢鹿脾析豚拍 尊一醴

爵三初亞獻終 鑪一柱香 鐙二大燭 祝版一 疏布 冪 勺 具

後俱做此

四配 每帛一位 色幅四 正 羊一 豕一俎 鉶二和左羹右

簠二黍稷 簋二稻粱 籩八形棗栗菱魚鹿脯 豆八菁菹鹿

江津縣志

卷八

典禮

二

兔醢醢筍菹魚醢 爵三初亞獻終 鑪一 鐙二中燭 尊二分東設西

十二哲東西 各帛一各色幅同正位 鉶一和羹 簠一黍

一稷 籩四形鹿脯棗 豆四菁菹鹿醢 爵三初亞獻終 東西

各羊一 豕一 尊一 鑪一 鐙一

兩廡 二位共一案 每位爵一 每案簠簋各一 籩

豆各四 東西各羊三 豕三 尊三 統設香案二 每案

帛一 爵三 鑪一 鐙二

樂器 麾旛一首 金鐘十六口即古鐘 玉磬十

六口即古磬 大鼓一面即古鼓 搏拊鼓二座即古鼓

祝一座 啟一座 琴六張 瑟四張 簫六枝

笛六枝

排簫二架

即古鳳簫

笙六攢

塤二箇

箎二管

舞器 旌節二首

羽籥三十六副

以上舞人樂

工五十人

樂章

迎神昭平

大哉孔子

先覺先知

與天地參

萬世之師

祥徵麟紱

韻答金絲

日月既揭

乾坤清夷

奠帛初獻宣平

予懷明德

玉振金聲

生民未有

展也大成

江津縣志

卷八

典禮

三

俎豆千古

春秋上丁

清酒既載

其香始升

亞獻秩平

式禮莫愆

升堂再獻

響協鼗鏞

誠孚罍鬯

肅肅雍雍

譽髦斯彥

禮陶樂淑

相觀而善

終獻敘平

自古在昔

先民有作

皮弁祭菜

於論思樂

惟天牖民

惟聖時若

彝倫攸敘

至今木鐸

徹饌懿平

先師有言

祭則受福

四海鬯宮

疇敢不肅

禮成告徹

毋疏毋瀆

樂所自生

中原有菽

送神德平

鳧繹峩峩

洙泗洋洋

景行行止

流澤無疆

聿昭祀事

祀事孔明

化我烝民

育我膠庠

執事

俱於本學堂生員中派用預期示知先令演習其中數量焉

通贊

立禮堂之階左主贊行禮總名贊

鳴贊

立堂階右與三通贊對立主唱跪叩禮贊

引贊

於二人前相對立唱禮於官前引導立禮

捧帛

預進案帛於奠神前跪進實帛上奠神前

迎神

預地曰執降神唱神降

讀祝

預上讀書祝文貼版讀祝時跪官左

司尊

預舉實尊以酒酌之

執爵

預受酒與爵捧帛同捧以

盥洗

官掌盥爵拭手候

陳設

依牲定饌位鑿鑪各陳設

灑掃

先期灑掃殿宇階

司戶

殿唱上戟門各閉一人

江津縣志

卷八

典禮

四

監宰

與監蹄甲以牲入角

造饌

烹庶品如法燔炙內

香燭

預祭點炷燭伺臺

飲福

一於執酒一仍捧接肉

燔瘞

候唱燔柴燎次

徹饌

祭前司啓各移動

歌童

四名俱在本地習方

儀注 前期二日各官設齋戒牌承祭分獻各官

致齋二日

不飲酒茹暈不弔喪問疾不聽樂刑名不與穢惡事

前二日執

事官補服至犧所省牲前一日上香監視宰牲并

供毛血檢視祭品執事者出臚祭器樂舞舉視案

送至齋所承祭官祝畢送至前後殿安設一跪三

叩禮退

正祭日主祭分獻陪祭各官朝服入兩旁門序立

後通贊排班文武西東簽祝版唱引贊升堂東引各官從序

爵序事請祝版請至祝簽名書各官下堂從西階下啓戶

樂舞生就位執事者各司其事主祭官就位分祭

官就位陪祭官就位瘞毛血司毛血生將毛血持

內坎啓牲饌蓋舉迎神樂奏昭平之章樂作唱引贊

詣西南隅迎神官引至眾神降復位唱通贊參神唱鳴贊跪

叩首九行三跪興平身眾官起樂止唱通贊行初獻禮舉

初獻樂奏宣平之章樂作唱引贊詣盥洗所浴手淨

巾詣酒尊所司尊者舉冪酌酒升壇導承祭官由

江津縣志

卷八

典禮

五

左門後亞詣

至聖先師孔子神位前跪奠帛捧帛生以帛跪進於案

於案右生跪獻爵如奠帛儀叩首興唱通贊讀祝贊引

接立獻案上詣讀祝位跪唱鳴贊眾官皆跪唱引贊讀祝文讀至祝

祝案前一跪三叩捧祝版跪於案前讀畢捧至樂

正位前前跪安帛匣內三叩退於案前讀通贊唱至樂

作唱引贊叩首行承三祭官叩禮及引贊唱均興唱鳴贊眾官皆興

復聖顏子神位前跪奠帛獻爵叩首興儀如前詣

宗聖曾子神位前儀如前詣

述聖子思子神位前儀如前詣

亞聖孟子神位前

如壇前儀其十二哲兩廡分獻官畢

引贊

復位

西引承祭分獻官各復位

出樂止

贊

行亞

獻禮舉亞獻樂奏秩平之章樂作引贊詣酒尊所

至復位

均如初儀

樂止

通贊

行終獻禮舉終獻樂奏

敘平之章樂作

引贊

樂止

通贊

飲福受胙贊

唱詣飲福受胙位

羊引左一位司爵胙生取正中贊

跪鳴贊

眾官皆跪

引贊

飲福酒

執事者跪從右進

授於左

受福胙

如飲福酒儀送執事接胙由中叩首

鳴贊

興鳴贊

眾官皆興引贊

復位引贊謝

神鳴贊

跪叩首

均行三跪

興平身

通贊

徹饌舉徹

江津縣志

卷八

典禮

六

饌樂奏懿平之章樂作

牲饌稍

樂止

通贊

辭神舉

送神樂奏德平之章樂作

鳴贊

跪叩首

俱行三跪

興平身樂止

通贊

送神

引贊

詣送神所眾官俱至

捧祝帛饌各恭詣燎前

執事者至各由中行出承

祭官退旁候過仍復位立通贊

望燎舉望燎樂

與送

樂作引贊

詣望燎位舉柴焚祝帛

祝帛半

復位樂止

通贊闔戶

鳴贊禮畢散班

祝文 維

先師德隆千古道冠百王揭日月以常行自生民所未有屬文教昌明之會正禮節樂和之時辟雍鐘鼓

咸恪薦以馨香泮水膠庠益致嚴於籩豆茲當春秋
仲祗率彝章肅展微忱聿彰祀典以復聖顏子宗
聖曾子述聖子思子亞聖孟子配尙饗

崇聖祠

祭品 正位五案每案帛一同色前殿 羊一豕一鉶

二簋二籩二籩八豆八鑪一鐙二尊一爵三祝版

一

配位四案西東 帛各一羊豕各一簋籩各一籩各四

豆各四爵每案各三尊一鐙二鑪一

兩廡二案西東 帛各一羊豕各二簋籩各一籩各四

江津縣志

卷八

典禮

七

豆各四爵每位各一尊一

儀注 同日教官主祭朝服三跪九叩三獻惟無
樂舞無飲福受胙

祝文 維

王奕葉鍾祥光開聖緒盛德之後積久彌昌凡聲教所
覃敷率循源而溯本宜肅明禋之典用申守土之
忱茲屆仲春秋 聿修祀典以先賢顏氏曾氏孔氏孟
孫氏配尙饗

名宦鄉賢忠義節孝四祠春秋仲月丁祭附祀

祭品 各帛一羊一豕一籩四豆四尊各一爵三

儀注 教官一人公服詣祠致祭讀祝望燎行二叩禮

名宦祝文

卓哉羣公懋修厥職澤被生民功垂社稷茲維仲

春秋謹以牲醴用申常祭

鄉賢祝文

於維羣公孕秀茲邦懿德作行奕世流芳茲惟仲

春秋謹以牲醴用申常祭

忠義祝文 維

靈稟賦貞純躬行篤實忠誠奮發貫金石而不渝

江津縣志

卷八

典禮

八

義聞宣昭表鄉閭而共式祇事懋彝倫之敘性摯
莪蒿克恭念天顯之親情殷棣萼模楷咸推夫懿
德

綸恩特闡其幽光祠宇維隆歲時式祀用陳尊簋來格

几筵尙饗

節孝祝文 維

靈純心皎潔令德柔嘉矢志完貞全閨中之亮節
竭誠致敬彰閩內之芳型茹冰檠而彌堅清操自
勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊

醪尙饗

關聖帝君廟

前殿奉

忠義神武靈佑仁勇威顯護國保民精誠綏靖翊贊

關聖大帝神位

每歲春秋二祀卜吉

雍正三年定

及五月十三日

順治元年

定致祭

咸豐四年
升入中祀

祭品 籩豆案一陳設爵墊一登一鋤二簠簋各二籩豆各十帛一尊一爵三俎共一陳牛一羊一豕一香案一銅鑪一香靠具實炭擊二銅燭臺二

江津縣志

卷八

典禮

九

上設六兩重黃臘二枝樂工歌童舞佾分立階上

樂懸之東西樂用六成舞用八佾

武佾八文佾八始以文終以武

儀注 前期齋戒二日各衙門大堂設齋戒紅牌

不理刑民不宴會作樂不入內寢不飲酒茹暈不

問疾弔喪不祭神掃墓有疾有服者勿與 祭前

二日承祭官率僚屬省牲前一日黎明赴宰牲亭

監視宰牲祭日四鼓詣祭所周巡省盥燃燭明燈

具祭器陳於案執事各以其序

正祭曰承祭官咸朝服豫候屆時贊引生二人引

承祭官由

廟左門入至盥洗所唱盥洗承祭官盥洗畢引承祭

官至

殿階下正中行禮處立唱通贊樂舞生就位執事生各

司其事承祭官就位陪祭官各就位迎神奏格平

之章司香生捧香盒樂作引贊就上香位引承祭

官由

殿左門入詣香案前立司香生豫跪跪承祭官跪上

香承祭官先舉炷香次三上瓣香畢興復位引承

祭官至原行禮處立跪叩興承祭官行三跪九叩

禮興樂止唱通贊奠帛爵行初獻禮奉帛奉爵生初

江津縣志

卷八

典禮

十

獻樂作奏翊平之章司帛生就案前跪奠帛於正

正中退讀祝文跪案前三樂暫止贊引生引承

祭官至

神位前唱通贊跪承祭官跪讀祝至司祝生讀畢奉祝文

三叩退樂復作贊引叩興承祭官行三叩禮興復位

樂止唱通贊行亞獻禮奉爵生奉爵亞獻樂作奏恢

平之章司爵生奉爵奠於爵墊左如初獻唱通贊行

終獻禮司爵生奉爵終獻樂作奏靖平之章司爵

生奉爵奠於爵墊右均如初唱通贊徹饌樂作奏彝

平之章饌徹樂止唱通贊送神奏康平之章其贊引

唱 跪叩興承祭官行三跪九叩禮通贊 奉祝帛饌

香送往燎爐引贊引承祭官退至西旁東面候祝
帛香饌過畢復位立樂作奏康平之章其二望燎告
禮成迺退

樂章

迎神格平

懿鑠兮焜煌

神威靈兮赫八方偉烈昭兮累禩祀事明兮永光達
精誠兮黍稷馨香儼如在兮洋洋
奠帛初獻翊平

江津縣志

卷八

典禮

十一

英風颯兮

神格思紛綺蓋兮龍旗剡桂醕兮盈卮香始升兮明
粲惟降鑒兮在茲流景祚兮翊昌時

亞獻恢平

觴再酌兮告虔舞干戚兮合宮懸歆苾芬兮潔蠲
扇巍顯異兮

神功宣

終獻靖平

鬱鬯兮三申羅籩豆兮畢陳儀卒度兮肅明禋
神降福兮宜民宜人

徹饌彝平

物維備兮咸有明德維馨兮

神其受告徹兮禮終罔咎佑我邦家兮孔厚

送神康平

幢葆葳蕤兮

神聿歸馭鳳軫兮驂虬駢降烟熅兮餘酌馡願回靈

盼兮德洽明威

望燎康平

焄蒿烈兮燎有輝

神光遙爚兮祥雲霏祭受福兮茂典無違庶揚駿烈

江津縣志

卷八

典禮

十二

兮永奠亶畿

春秋二祭祝文 維

神星日英靈乾坤正氣允文允武紹聖學於千秋至

大至剛顯神威於六合仰聲靈之赫濯崇典禮于

馨香茲當仲春秋用昭時饗惟祈昭格克鑒精虔尙

饗

五月十三日祝文 維

神九宇承庥兩儀合撰崧生嶽降溯誕聖之靈辰日

午天中屆恢台之令序聰明正直一者也千秋徵

肸鬻之隆盛德大業至矣哉六幕肅馨香之薦爰

循懋典式展明禋苾芬時陳精誠鑒格尙饗

後殿奉

關帝三代

曾祖光昭王

祖裕昌王

神位

雍正三年追封公爵
咸豐五年加封王爵

父成忠王

同日致祭牲牢酒醴籩豆簠簋一切祭品祭儀與

文廟 崇聖祠同迎神送神俱三跪九叩禮無樂舞

後殿春秋祝文 維

神世澤覃庥令儀裕後靈鍾河嶽篤生神武之英誠

江津縣志

卷八

典禮

十三

溯淵源宜切尊崇之報班爵超躬桓而上升香肅

俎豆之陳茲屆仲

春秋

爰修祀事尙祈昭鑒式此苾

芬尙饗

後殿五月十三日祝文 維

王迪德承家累仁昌後崧生嶽降識育聖之有基木

本水源宜推恩之及遠封爵特超於五等馨香永

薦於千秋際仲夏之屆時命禮官而將事惟祈昭

格鑒此精虔尙饗

文昌帝君廟

前殿奉

文昌帝君神位

嘉慶六年列入祀典咸豐四年升入中祀每歲二月初三日及春秋仲月諏日致祭

祭品儀注與

關聖廟同惟文舞六佾三十六人與

聖廟同

樂章

迎神不平

秉氣兮靈躔翊文運兮赫中天蜺旌兮戾止雕俎兮告虔迓

江津縣志

卷八

典禮

十四

神庥兮於萬斯年

奠帛初獻俶平

神之來兮籩簋式陳神之格兮几筵是親極昭彰兮靈貺致蠲潔兮明禋升香兮伊始居歆兮佑我人民

亞獻煥平

再酌兮瑤觴燦爛兮庭燎之光申虔禱兮

神座儼陟降兮帝旁粢醴潔兮齋遯將綵景運兮靈長

終獻煜平

禮成三獻兮樂奏三終覃敷元化兮絜神功馨香
達兮肸鬩通歆明德兮昭察寅衷

徹饌懿平

備物兮惟時告徹兮終禮儀

神悅懌兮鑒在茲垂鴻佑兮累洽重熙

送神蔚平

其一

雲駟駕兮風旗招

神之歸兮天路遙瞻翠葆兮企丹霄願回靈眷兮福
我朝

望燎蔚平

其二

江津縣志

卷八

典禮

十五

烟煴降兮元氣和

神光燭兮梓潼之阿化成耆定兮橐弓賤戈文治光
兮受福則那

春秋二祭祝文 維

神道闡苞符性敦孝友並行並育德侔天地以同流
乃聖乃神教炳日星而大顯仰鑒觀之有赫示明
德之維馨茲當仲春秋用昭時祀惟祈歆格克鑒精
虔尙饗

二月初三日祝文 維

神功參橐籥撰合乾坤溯降誕之靈辰三□紀瑞度

中和之令節九字承暉若日月之有光明闡大丈
於孝友如天地無不覆載感至治於馨香爰舉上
儀敬陳芳薦精禋罔斃神鑒式昭尙饗
後殿奉

文昌帝君

先代神位

嘉慶六年太常寺奏准封文昌帝君三代姓名查無確據未便請加號謹擬增製神牌

一分牌面書文昌
帝君先代神位字樣

同日致祭祭品儀注悉與 關帝廟後殿同

後殿春秋二祭祝文

祭引先河之義禮崇反本之思矧夫世德彌光延

江津縣志

卷八

典禮

十六

賞斯及祥鍾累代炯列宿之精靈化被千秋緯人

文之主宰是尊後殿用答前庥茲當仲春秋肅將時

祀用伸告潔

神其格歆尙饗

後殿二月初三日祝文 維

文昌帝君道備中和神超亭毒稟貽謀而遠紹欽育聖
之有基雲漢昭回際嶽降崧生之會馨香感格興
水源木本之思式肇明禋用光彝典尙祈

神鑒享此清芬尙饗

社稷壇

設木主二一縣社之神一縣稷之神

每歲春秋仲月戌日致祭

祭品 每案 帛一色黑 簠二黍稷 簋二梁稻 羊一豕一鉶一

和羹 籩四棗形鹽 豆四韭菹鹿醢 白瓷爵三尊一

儀注 前期三日齋戒前期二日簽祝版前期一

日補服上香監宰牲竝瘞毛血設獻官幕次至日

黎明各官朝服行禮前後各三跪九叩中問三獻

及受福胙謝福胙二節贊唱改望燎為望瘞執事者以祝焚於坎中將畢以土實坎

祝文 維

神奠安九土粒食萬邦分五色以表封圻育三農而

江津縣志

卷八

典禮

十七

播稼穡恭承守土肅展明禋時屆仲春秋敬修祀典

庶丸丸松柏鞏磐石於無疆芄芄黍苗佑神倉於

不匱尙饗

神祇壇

舊名山山川壇嘉慶十六年奉部文更正

製木主三中曰風雲雷雨之神左曰本境山川之

神右曰本境城隍之神與社稷壇同日致祭

祭品儀注與 社稷壇同惟帛用白色共設三案

獻禮分中左右三位引望瘞改為望燎執事者不

以土實坎

祝文 維

神贊襄天澤福佑蒼黎佐靈化以流行生成永賴乘
氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰神明
之庇護恭修歲祀正值良辰敬潔豆籩祇陳牲帛
尙饗

先農壇

每歲遵部頒日期致祭祭畢行耕籍禮

祭品 羊一豕一鋤一籩四豆四簋各二帛一青色

儀注 前二日齋戒前一日省牲掃壇設幕檢視

耕器農具赤色牛黑色至期各官朝服行禮前後三跪九叩

江津縣志

卷八

典禮

十八

不飲福受胙餘與社稷壇同惟獻爵不升壇 祭畢遵依部行時辰更

換蟒袍補服行耕籍禮正印官秉耒佐貳執青箱
播種用耆老一人牽牛農夫二人扶犁俱照九卿
之例九推九返農夫終畝耕畢各官率耆老農夫
望

闕行三跪九叩禮

樂章

迎神永豐

勾芒秉耒土牛是驅惟神歆止蒼龍駕車
念彼田疇民命所需生有成德尙式臨諸

奠帛初獻時豐

先農神厚哉
功德深厚哉
天耒耜教仁民
肅將幣靈帛哉
稼穡明是親
厥初生民
萬彙莫辨
神錫之醕
嘉種乃誕
執茲醴齊
豐功益見
玉瓚椒醕
雍雍舉奠

亞獻咸豐

上原下隰
百穀盈止
粒我烝民
秀良興起
樂舞具備
吹豳稱兕
再躋以獻
肴馨酒旨

終獻大豐

糜芑秬秠
惟神所貽
以風十饗
曰予將之
秉耒三推
東作永宜
五神饗雨
率土何私

徹饌屢豐

於皇農事
自筮古為烈
莫敢不承
今茲忻悅
籩豆既豐
簠簋云潔
神視井疆
執事告徹

送神報豐

麻麥芄芄
杭稻連阡
縱橫萬里
皆神所瞻
人歌鼓腹
史載有年
歲有常典
苒祿綿延

江津縣志

卷八

典禮

十九

望瘞慶豐

玉版蒼幣
來監來歆
敬之重之
藏於厚甯
典禮由古
予行自今
樂樂利利
國以永甯

祝文維

神肇興稼穡粒我烝民頌思文之德克配彼天念率
育之功常陳時夏茲當東作咸服先疇洪維

九五之尊歲舉

三推之典恭膺守土敢忘勞民謹奉彝章聿修祀事惟
願五風十雨嘉祥恒沐於

神庥庶幾九穗雙歧上瑞頻書於大有尙饗

雩壇

乾隆七年定每歲孟夏諏吉舉行常雩禮不另立
雩壇卽於

先農壇行禮祭品儀注同前并合祀

社稷山川諸神牌位

若歲間不雨守土官諏宜祀之辰隨時撰擬祝文備脯醢果實

香帛尊爵鑪鐙之屬率屬素服祈禱行禮與常祀同既應而報陳設牲牢朝服行報祀禮與節

同祈祀

祝文

恭膺

詔命撫育羣黎仰體

彤庭保赤之誠勸農勤稼俯維葑屋資生之本力穡

江津縣志

卷八

典禮

二十

服田令甲爰頒肅舉祈年之典惟寅將事用伸守
土之忱黍稷惟馨尙冀昭明之受賜來牟率育庶
俾豐裕於蓋藏尙饗

祭壇

乾隆七年定旱歲祭雩祈雨澇則祭祭城門祈晴
行其禮俱同雩祭

祝文

恭承

詔命臨民職司守土惟兆人之攸賴竝藉神功冀四序
之調和羣蒙福蔭必使雨暘應候爰占物阜而民

安庶幾寒燠攸宜共慶時和而歲稔仰靈樞之默
運聿集嘉祥勳元化以流行俾無災害尙饗

八蜡壇

乾隆十二年部議歸并 先農壇配食不必特祭
祭 先農壇日遵照設牌位

勾芒之祀

先立春一日長官朝服率僚屬於東郊祀 勾芒
之神禮畢迎春歸駐署儀門外至日各官朝服祭
勾芒用牲果酒醴四拜禮畢長官擊鼓三聲執綵
鞭率各官環擊土牛者三鄉人各取其土以爲宜

江津縣志

卷八

典禮

二十一

年

迎春祝文 維

神司令元春參贊化育祛除寒威漸回温燠雨順風
調禾登麥熟百穀順成羣黎蒙福今於_某日恭詣
東郊先期迎神駕敢告

鞭春祝文

化工造物無私勿愆雷動風散雨潤日暄以時宣
布歲則有年民維邦本食乃民天四時之序春令
爲先敢告尊神發動春鞭謹祝

厲壇

每年以三月清明七月十五日十月朔一日凡三
祭祭時迎城隍神像於壇上以主其祭另用紙多
書無祀鬼神等眾牌位立於壇下左右 壇上城
隍位及左右位各羊一豕一其左右位并設飯羹
香燭紙隨用
儀注 前祭一日祭官備香燭詣城隍廟焚告牒
行一跪三叩禮至期各官齊集補服於壇上城隍
位前前後行一跪三叩禮中間三獻爵讀告文禮
畢以告文同紙焚之

告文

江津縣志

卷八

典禮

二十一

皇帝 聖旨 依禮 普天 部割 為祭 祀本 境無 不祀 有鬼 人神 等眾 有事 鬼欽 人奉
眾必 立道 君幽 以明 雖殊 君其 總理 其則 大一 又故 設天 官下 分之 職廣 為兆 府民 州之
縣以 職各 綱長 紀不 又紊 於每 人百 之戶 法設 如一 此里 天長 子以 祭統 領地 之神
祇及 天庶 下民 山川 祭王 祖國 先各 及府 州縣 社土 祭穀 境內 山川 下及 之祀
禮有 等第 治民 神之 知之 何禮 故如 而此 尚念 冥冥 有之 兵中 刃無 而祀 損鬼
傷者 有強 奪於 妻火 盜賊 者有 有遭 被刑 人禍 取財 而負 屈逼 死死 者者
有為 天災 流而 死疫 有者 戰鬪 而猛 殞獸 身毒 者虫 有所 因害 危死 者者
有自 縊者 有因 死牆 後屋 無傾 子孫 而壓 此死 者有 鬼遠 或行 終征 於旅
前代 或歿 其於 近世 或兵 沒戈 於擾 一攘 時流 祀移 他鄉 或人 不煙
斷絕 久缺 其於 祭近 姓世 氏或 泯兵 沒於 一攘 時流 祀移 他鄉 或人 不煙
草載 附此 木等 孤魂 妖死 怪無 悲所 號依 於精 星魄 月未 之散 下結 呻為 吟陰 於靈 風或 雨依

墮之沉時凡遇人懸間令望祭心興言陽及世魂憐杳杳以無歸身
天國厲有司祭依時享州有郡京都之祭泰厲各縣祭有邑厲
有祭敬在神一里又禮各仍命鄉本處祭期於主此依而人奉
設此茲體羹飯不專祭有違境設壇於城西以某月靈如日
享不味來祭

火神祠

每歲以季夏吉日致祭

祭品 帛一羊一豕一果實五盤尊一爵三

儀注 主祭官補服蟒袍行二跪六叩禮迎神上

香奠帛讀祝三獻送神望燎告禮成退

江津縣志

卷八

典禮

二十三

祝文 維

神德著離宮光昭午位廣陽亨之運象啓文明彰燮
理之能功參化育土以生而水以濟丙丁之大用
常昭府既修而事既和虞夏之九功惟敘麗茲萬
物實賴化成乂我生民咸資利用仰邀神貺虔答
鴻庥爰遵祀事之儀式叶春裡之典肅陳牲幣敬
布几筵尙饗

龍神祠 歲春秋仲諏吉致祭

祭品 帛一羊一豕一果實五盤尊一爵三

儀注與火神祠同

呂眞君祠

每歲二月初四八月初四日致祭

祭品 核桃荔枝圓眼棗栗盤五 饅首盤五 蒸糕盤五 餅

盤四 高頂盤一 茶瓊三鑪一鐙二

儀注 蟒袍補服行三跪九叩禮

祝文

敕封燮元贊運警化孚佑聖君 維

神法判五雷道通三教金闕選仙掃魑魅魍魎之怪
玉清內相溥風雲雨露之仁術傳無極子啓河洛
之苞符易註壽山堂演乾坤之著策屢徵聖蹟應

江津縣志

卷八

典禮

二十四

答神恩茲屆仲春秋用昭時祀庶幾歆享益鞏固夫

皇圖爰矢精虔冀降康於億兆神其來格鑒此精虔

朝賀

元旦長至

萬壽聖節皆朝賀至期五鼓文武官咸朝服趨朝所各
按品級分班行三跪九叩禮退就朝房坐班畢散

朝前後七日俱穿蟒服長至不穿

迎宣

詔旨各官朝服率紳耆軍民咸吉服咸吉出郭道右跪迎候過

興先至廡門外序立

詔至門咸跪迎奉

詔於黃案退位於東西面禮生引各官就位行三跪九

叩禮畢乃宣

詔使者跪奉

詔授宣讀官復位立宣讀官跪接登臺宣讀眾官紳民

跪聽訖跪復

詔於案行三跪九叩禮謝

恩畢退引使者就館

封開印信

遵部頒日時朝服行禮新任有望

江津縣志

卷八

典禮

二十五

闕謝

恩禮

救護

凡遇日月食先期曉示至期設臺設初虧食甚復

圓三位鑪鐙具陰陽生看時刻僧道等擊鼓鐃寺

觀皆擊鐘鼓救護各官齊集縣署素服行三跪九

叩禮興持香繞壇三周初虧食甚復圓三次儀均

同

舊志復圓吉服行禮
後改素服行禮

分駐及營員各署一體救

護

祭燾

每歲霜降先一日營員升堂出燾官兵排列隊伍
奉至教場安位至日黎明備牲醴公服行一跪三
叩禮畢迎燾回營

按祭燾於霜降者霜厲
隼擊所以振霜威也

又春秋開操皆致祭

春秋七月十五日

鄉飲酒禮

儀注每歲正月十五日十月初一日於儒學行鄉
飲酒禮前一日執事者於儒學之講堂依圖陳設
坐次司正率執事習禮至日黎明執事者宰牲具
饌主人及僚屬司正先詣學遣人速賓僎以下比
至執事者先報曰賓至主席率僚屬出迎於庠門

江津縣志

卷八

典禮

二十六

之外揖入主居東賓居西三讓三揖而後升堂東
西相向立贊兩拜賓坐執事者又報曰僎至主席
又率僚屬出迎揖讓升堂拜坐如前儀賓僎介至
既就位執事者唱司正揚觶執事者引司正由西
階升詣堂中北向立執事者唱賓僎以下皆立唱
揖司正揖賓僎以下皆揖執事者以觶酌酒授司
正司正舉酒曰恭惟

朝廷率由舊章敦崇禮教舉行鄉飲非爲飲食凡我長
幼各相勸勉爲臣盡忠爲子盡孝長幼有序兄友
弟恭內睦宗族外和鄉里無或廢墜以忝所生讀

畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆坐唱讀律令執事者舉律令案於堂之中贊禮引讀律令者詣案前北面立唱供饌案執事者舉饌案至賓前次僎次介次主三賓以下各以次舉訖執事者唱獻賓主起席北面立執事者斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僎前置於席交拜如前儀畢主退復位執事者唱賓酬酒賓起僎從之執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僎以下皆行禮僎主僚屬居東賓介三賓眾賓居西贊兩拜訖唱送賓以次下堂分東西行仍三揖出庠門而退

主府知府州知州縣知縣如無正官佐貳代位於東南大賓以致仕官爲之位於西北僎賓擇鄉里年高有德之人位於東北介以次長位於西南三

賓以賓之次者爲之位於賓主介僎之後除賓僎外眾賓序齒列坐其僚屬則序爵司正以教職爲之主揚觶以罰贊禮者以老成生員爲之律令凡鄉飲酒禮序長幼論賢良別奸頑其坐席間年高有德者居上高年純篤者竝之以次序齒而列其有違條犯法者不許干與良善之席違者罪以違制敢有誼譁失禮者揚觶者以禮責之